

# DEO OPTIMO MAX.

## UNI ET TRINO,

VIRGINI DEI-PARÆ, ET S. LUÆ,  
Orthodoxorum Medicorum Patrono.

### QUÆSTIO MEDICA.

QUOD LIBETARIIS DISPUTATIONIBUS,  
*manè discutienda in Scholis Medicorum, die Jovis vigesima-quintâ  
mensis Januarii, Anno Domini M. DCC. XLVIII.*

M. FRANCISCO - DAVID HERISSANT, Regiæ  
Scientiarum ac Humaniorum Litterarum Academiæ Andegavensis  
Socio, & Chirurgiæ Professore Vicario, Doctore Medico, Præside.

*An permultis & compositis indicationibus pauca & simplicia Medicamenta?*

#### I.

**Q**UO simpliciora sunt opera, eò pluris facienda. Nos autem ita cæci sumus, ut, aliquid inventuri, simpliciores vias primùm vix animo fingamus: plerumque molimentis magnis res ædificamus operosissimas, quæ mole ruunt suâ. Quid enim factum fuit tot ac tantis Præparationibus Pharmacuticis, quas Galenicum cum Arabicis in officinas induxere? Pars multa jam obsolevit. Illæ, in quibus militat numerosa Remediorum cohors, tam frequentes sunt, ut è centenis vix una \* promineat, de quâ magnificè prædicandum sit. Quemadmodùm sanitati conservandæ cibi compositiores non conveniunt, sic illi restituendæ minis idonea sunt Remedia, quæ Pharmacorum abundantia circumfluunt. Fabulæ: inquires? Fabulæ.... an Rustici qui humili victu & Medicamentis naturalibus tantummodò utuntur, pejus se habent, aut à morbo vires ægrius rescunt? An in ipsis Opipidulis quæ Pharmacopolas non habent, cives plures agrotant, aut majori numero commoriuntur? Certè quidem Divina Providentia malè consulere in publicum videretur, si solis urbium nobiliorum civibus & opulentis præsentissima Remedia concederet.

\* Hofman.

#### I I.

**A**GE, age dicas quorsùm spectet Ars Pharmaceutica, dum è permultis Medicaminibus congregatis nova & inaudita compingit? Nonne potissimum ut, variis in eodem Remedio virtutibus sociatis, plures simul implere indicationes liceat? Nil porro tam inane, quàm iste apparatus. Omne Medicamen simplex trinis, quatenis, imò ingens multitudo denis, duodenis virtutibus primariis scatur: atqui, v. g. quod duodenis facultatibus poller, satisfacere potest variis indicationum concursibus, qui simul sumpti duo millia superant. Hinc patet virtutum conjunctiones in Medicamentis simplicibus copiosissimas esse; ad artificiales autem non tam sæpè confugiendum. Hi profectò peccare videntur, qui Remedia ipsismet indicationibus compositis compositiora accersere solent. Nunc opportunum foret præcipuas recensere indicationum *combinations*, necnon omnes virtutum in Medicamentis simplicibus conjunctiones, ut, iis ritè comparatis, innotesceret, quantum laudis Præparationibus Pharmaceuticis detrahendum sit. Sed hoc opus, hic labor est.

#### I I I.

**C**ÆTERUM rimari satis erit illos virtutum binarum in Medicamentis simplicibus concursus, qui respondent frequentioribus binarum indicationum *combinationibus*, quas unâ implere Medici gestiunt. Etenim, si evictum fuerit virtutum binarum concursus maximi momenti, paucis exceptis, in Medicamentis nativis & simplicioribus nidulari, inde elucebit conjunctis indicationibus

A

fæpius fufficere poffe curtam eorum fupelleftilem. Quaternis indicationibus, v. g. fufficere faltem bina Medicamenta, fenis trina: quæ quidem in praxi plerumque omne ferre punctum queunt. Sed, antequam copulationes virtutum binarum Medicaminibus fimplicibus infitas recenfeamus, ipfas virtutes folitarias præmittere operæ pretium eft. Quadraginta facultates primariæ Medicamentis internis ad fummum tribuendæ: Relaxans; Astringens; Stimulans; Nervina; Cardiacæ; Demulcens; Antalkalina; Antacida; Incraffans; Diluens; Tenuans; Aperiens; Incidens lymphæ; Tenuans fanguinis grumefacti; Tenuans Bilis; Refolvens lactis grumefacti; Nutritia; Abforbens; Calefaciens; Refrigerans; Humectans; Siccans; Stomachica; Emetica; Cathartica; Diuretica; Sudorifica; Siagogoga; Expectorans; Emmenagoga; Narcotica; Alexipharmaca; Febrifuga; Antivenerea; Anthelmintica; Antifpafmodica; Antihyfterica; Antiepileptica; Antifcorbutica; Antifeptica. Quatuordecim autem circiter virtutes principes in funt Topicis: Stimulans; Relaxans; Astringens; Calefaciens; Refrigerans; Abforbens; Obturans; Sopiens; Refolvens (huc referuntur facultates refolvendi lympham, lac, fanguinem); Detergens; Exiccans; Demulcens; Rodens; Congediens. Harum autem virium varias conjunctiones, fi binas quaferis, habes in Medicamentis fuppolitis.

## I V.

\* Vox *ibid.* refertur ad medicamen ultimum fupradictum.

**C**um vi relaxante, concurret vis demulcens, in Aqueis, diluens, *ibid.* \* humectans, *ibid.* temperans, *ibid.* incraffans, in Radice Althææ, &c. nutritia, in Oryfâ: tenuans, in quibufdam Aquis mineralibus, ut Cauteiçis: aperiens, *ibid.* cathartica, in Caffiâ: narcotica, in Opio: anthelmintica, in Oleis. Cum virtute astringendi, conjugatur vis ftimulans, in Acidis: antalkalina, *ibid.* refrigerans, *ibid.* (exceptis Acidis volatilibus): antifcorbutica, *ibid.* febrifuga, *ibid.* & in Astringentibus-amaris, præferrim Cortice Peruviano: vernifuga, *ibid.* & in Astringentibus-amaris, præferrim Cortice Peruviano: vernifuga, *ibid.* nervina, in Vinis rubris fragrantibus, v. g. Campano, in Balfamo Peruviano & cæteris Balfamis nativis: cardiacæ, in Nuce mofchatâ, Granis Kermes: demulcens, in Acaciâ Germanicâ, Radice Symphyti: antacida, in Cretâ, Lapidibus Cancrorum: abforbens, *ibid.* incraffans, *ibid.* & in præfentiffimis ferè omnibus Astringentibus: tenuans, in Herniariâ, Radice Filipendulæ, Urticâ: tenuans bilis, in Radice Lapathi fylveftis: calefaciens, in Astringentibus tum amaris, tum fudoriferis: ftomachica, in Kinakinâ, Rheo: diuretica, in Astringentibus ferè omnibus, fingulariter in quibufdam v. g. Urticâ, Herniariâ: emmenagoga, in Martialibus: aperiens, in Vitriolicis, Agrimoniâ: refolvens fanguinis grumefacti, in Radice Polygonati, Bugulâ, Brunellâ & aliis hujufmodi traumaticis: nutritia, in multis Vinis, ut Burgundo: exiccans, in Astringentibus, quæ funt vel diuretica, vel fudorifica, vel cathartica: cathartica, in Myrobalanis, Rhabarbaro: fudorifica, in Radicibus Biftortæ & Tormentillæ: expectorans, in Olibano & Balfamis nativis: antifeptica, in Acidis, necnon Astringentibus quæ amara funt vel aromatica: narcotica, in Opio (quamvis Papavera non astringant, hoc nomine poffunt faturari, quod præcipuum Astringentium effectum, nempe excretionum imminutionem fortiuntur). Cum virtute ftimulandi, vis refrigerans, in Acidis fixis v. g. fucco Limonum, Spiritu Vitrioli: alin quæcumque facultas, paucis exceptis combinatur. Cum vi nervinâ, facultas cardiacæ, in Cinnamomo & cæteris Cardiacis egregiis: tenuans, *ibid.* & in aliis, ut Radicibus Enulæ campanæ, Caryophyllatæ: refolvens fanguinis grumefacti, in Hederâ terreftre: tenuans bilis, in iis quæ cum oleo effentiali blandam amaritatem necunt: ftomachica, in Mentâ: emmenagoga, *ibid.* calefaciens, in omnibus Nervinis: diuretica, vel diaphoretica, *ibid.* (pro dofi & exhibendi ratione): fudorifica, in Radice Imperatoriæ: alexipharmaca, *ibid.* & Cardiacis ferè omnibus: ficcans, *ibid.* expectorans, in Hyffopo, Balfamis nativis: antifpafmodica, in Floribus Aurantiorum, Lilii Convallium: antihyfterica, *ibid.* antiepileptica, in Radice Valerianæ: antifeptica in omnibus Nervinis, præferrim amaris, v. g. Mentâ. Cum vi cardiacâ, virtus ftomachica, in Oleis Aromatum, Vinis rubris & cæteris Cardiacis præfiantioribus: tenuans, *ibid.* refolvens fanguinis grumefacti, *ibid.* calefaciens *ibid.* (frigida enim è numero Cardiacorum proprie dictorum deturbanda effe videntur): diaphoretica vel fudorifica, *ibid.* ficcans, *ibid.* antifeptica, *ibid.* alexipharmaca, in plerifque Cardiacis, iis potiffimum quæ fudorem potenter movent: antifpafmodica, in plerifque Cardiacis, v. g. Meliffæ.

*sā: antihysterica, ibid. aperiens, in Flavedine Aurantiorum & ceteris Cardiacis-amaris: tenuans bilis, ibid. anthelminthica, ibid. expectorans, in Croco, Radice Angelicæ. CUM facultate demulcendi, vis stomachica, in Pistaciis: quæcumque virtus, ferè ut in attic. 1<sup>o</sup>. CUM vi antalkalinâ, virtus refrigerans, in Spiritu Vitrioli & aliis Acidis fixis: incrassans, ibid. diuretica, ibid. antiseptica, ibid. CUM virtute antacidâ, vis tenuans, in Alkalinis: calefaciens, ibid. diuretica, ibid. sudorifera, in Alkali-volatilibus: incrassans, in Cretà, Bolo Armenâ: absorbens, ibid. CUM vi incrassandi, vis absorbens, in plerisque Absorbentibus: refrigerans, in omnibus Incrassantibus. CUM vi diluente, facultas tenuans, in decoctis Aperientibus: refrigerans, in Aquâ: humectans, ibid. stomachica, in Aquis mineralibus Ferrugineis: diuretica, in omnibus Aperientibus dilutis: cathartica in Aquis Vitriolicis catharticis. CUM vi tenuante, vis aperiens, in omnibus & singulis Aperientibus: absorbens, in Antimonio Diaphoretico: calefaciens, in plerisque Tenuantibus: siccans, ibid. Cathartica, in Catharticis ferè omnibus: diuretica, in Radicibus Aperientibus, Salibus non acidis: antivenerea, in Mercurio: sialogoga, ibid. expectorans, in Ascellis & ceteris Expectorantibus: emmenagoga, in Amaris, præsertim quæ aromatica sunt: febrifuga, ibid. & in Cortice Peruviano: vermifuga, in Mercurialibus: Antispasmodica, in Antispasmodicis ferè omnibus: antihysterica, ibid. antiepileptica, ibid. sudorifera, in Radicibus amaris-acribus-aromaticis. CUM vi aperiente, vis incidens lymphæ, in Antimonialibus, Viperis: stomachica, in Aquis mineralibus utrisque, Salibus neutris: diuretica, in Radicibus Eryngii, Petroselinii: expectorans, in Radicibus Helenii, Millepedibus: Cathartica, in permixtis Aquis mineralibus. CUM vi incidenda lymphæ, virtus antivenerea, in Mercurio: sialogoga, ibid. siccans, ibid. anthelminthica, ibid. Cathartica, in Purgantibus Phlegmagogis: sudorifera, in Lignis sudoriferis: expectorans, in Ascellis: antispasmodica, in Cinnabari. CUM virtute resolvendi sanguinis grumescit, vis Cathartica, in ipsis Catharticis ferè omnibus: sudorifera, in plerisque Sudoriferis: diuretica, in Hyperico: emmenagoga, ibid. expectorans, in Hedera terrestri. CUM vi tenuanda bilis, facultas stomachica, in Gentianâ, Chelidonio majori: Cathartica, in Aloë, Rheo: calefaciens, ibid. siccans, ibid. anthelminthica, ibid. diuretica, in Amaris, Saponaceis, Biliosis: expectorans, in Radice Enulæ campânæ. CUM virtute resolvendi lactis grumescit, virtus stomachica, in Seminibus Fœniculi, Anisi: sudorifera vel diaphoretica in Floribus Sambuci. CUM facultate nutritiâ, varæ virtutes sociantur (Vid. Thef. nostram Quodlibet. An alimentis &c.) CUM vi absorbendi, virtus calefaciens, in Antimonio Diaphoretico: expectorans, ibid. sudorifera, ibid. siccans, ibid. refrigerans, in Absorbentibus ferè omnibus: alexicaca, in Lapide Bezoardico fossili & Bezoar Animalium. CUM virtute calefaciendi, facultas exsicicans, in omnibus Calefacientibus: stomachica, in Caffè & Liquoribus spirituosiss: Cathartica, in Jalapâ, Scammonio, Colocynthis: diuretica, in Spiritu Terebinthinæ, Salibus alkali utrisque: sudorifera, in omnibus Sudoriferis: expectorans, in Gummi-resinis, Radice Ari & ceteris Expectorantibus: narcotica, in Opio. CUM vi refrigerante, vis humectans, in Malacticis: diuretica, in Acidis fixis: siccans, ibid. febrifuga, ibid. antiscorbutica, ibid. Cathartica, in Tamarindis. CUM virtute humectandi fiunt combinationes, ut in art. Relaxan. CUM vi siccante, vis stomachica, in Pipere, Zinzibere, Liquoribus ardentibus. Siccandi facultas jungitur cum omnibus Evacuantibus efficacissimis. CUM virtute stomachicâ, vis Cathartica, in Aloe, Rhabbarbo: diuretica, in Baccis Juniperi, Salibus androgynis v. g. Sale vegetabili: expectorans, in Radicibus Angelicæ, Zedoariæ: sudorifera, ibid. alexicaca, ibid. tenuans, ibid. aperiens, in Aquis mineralibus, Radice Levistici: tenuans bilis, ibid. emmenagoga, in Mentâ, Præssio, Baccis Lauri: febrifuga, in Centauro minori, Gentianâ, Kinakinâ: anthelminthica, ibid. antiseptica, ibid. & Aromaticis: antiscorbuta, in Lepidio, Fumariâ. CUM vi emeticâ, vis Cathartica, in Ipecacuanhâ, Tartaro stibiato. CUM vi Catharticâ, virtus diuretica, in Aquis mineralibus quæ leviter alvum purgant, sudorifera, in ipsis Catharticis (sed egregiis, quarum actionis pars ad cutim arte derivatur). CUM facultate sudoriferâ, vis expectorans, in Kermes minerali: emmenagoga, in Plantis amaris-acribus-aromaticis: antivenerea, in iis quæ Ligna sudorifera appellantur: hysterica, in Spiritu*

C. C. & cæteris Alkali-volatilibus. *Cum vi expectorante, vis emmenagoga*, in Croco, Myrrhâ, Radice Aristolochiæ: narcotica, in Floribus Papaveris Rhæados; alexipharmaca, in Radicibus Petasitidis, Imperatoriæ: febrifuga, in Carduo Benedicto; antiscorbutica, in Erysimo. *Cum virtute scialogâ*, vis anti-venerea, in Mercurio. Tandem vis emmenagoga in multis Medicamentis cum virtute antihystericâ concurret, v. g. in Castoreo, Sclareâ, Artemisiâ, Gummi-refinis.

#### V.

**Q**UO AD Topica. *Cum vi stimulante*, quæcumque facultas combinata reperitur, exceptis quæ repugnant. *Cum vi relaxante*, vis refrigerans, in Aqueis, Adiposis, Mucilaginosi: obturans, in Emplastis unctuosi: resolvens in Melle, Farinis, Croco: sopiens, in Plantis Narcoticis. *Cum vi astringente*, vis refrigerans, in Rosi rubris, Aquâ Plantaginis: demulcens, in Radice Symphyti: absorbens, in Bolo Armenâ, Terrâ sigillatâ: resolvens, in Vino, Spiritu Vini: detergens, in Vitriolo, Aloë: exticcans, ibid. *Cum vi calefaciente*, virtus resolvens, in Resolventibus ferè omnibus: pleraque Topica calefaciendi virtute pollent. *Cum facultate refrigerandi*, vis absorbens, in Plumbo usto: demulcens, in Sale Saturni: detergens, ibid. exticcans, ibid. & in Cinciribus Plumbi: condens, in Salibus acidis fixis. *Cum vi absorbendi*, virtus exticcans, in Conchis & Plumbo usti, & cæteris Absorbentibus: rodens, in Calce. *Cum vi sopiendi*, virtus resolvens, in Plantis Narcoticis, v. g. Hyoscyamo, Cicutâ, Opio. *Cum virtute resolvendi*, vis detergens, in Absynthio, Fellibus Animalium: exticcans, in Myrrhâ, Thure, Colophoniâ: condens, ibid. & Spiritu Vini: demulcens, in Seminibus Fenu-Græci, Bono Henrico. *Cum vi detergendi*, vis exticcans, in Tuthiâ, Aquâ Calcis: demulcens, in Farinâ Fabarum, Saccharo Saturnino: rodens, in Lapide Infernali: condens, in Balsamis nativis. *Cum facultate siccandi*, vis rodens, in omnibus Cautiis: condens, in Aloe, Thure, Myrrhâ.

Patet igitur præcipuas virtutum binarum conjunctiones Medicamentis simplicibus infitas esse. Quoniam autem deficient in Medicamentis naturalibus quædam combinationes, ut virtutis Narcoticæ, cum Catharticâ aut Cardiacâ, Cardiacæ, cum Emeticâ, &c. Ars quandoque in auxilium Naturæ vocatur, non sine prospero successu; sed, quod animadvertendum est, artificiales conjunctiones eò meliores sunt, quò simpliciores.

Ergò permultis & compositis indicationibus pauca & simplicia Medicamenta.

### DOMINI DOCTORES DISPUTATURI.

M. Antonius Le Camus.

M. Petrus Arclin.

M. Joannes Bessé, Doctorie Hispaniarum Regiæ, dum viveret, Medicus primarius.

M. Claudius Bourdier de la Moutère.

M. Petrus Chevalier.

M. Antonius de Jussieu, Regi à Consiliis & Secretis, Regiæ Scientiarum Academiæ, Regiarumque Societatum Angliæ & Prussiæ Socius, Botanices in Horto Regio Parisiensi Professor ac Demonstrator.

M. Guillelmus Ruellan.

M. Franciscus Bernard.

M. Joannes-Baptista-Thomas Martineq, Saluberrime Facultatis Decanus.

Proponebat Parisiis ALEXANDER-DIONYSIUS DIENERT, Meldensis, Saluberrimæ Facultatis Medicinæ Parisiensis, Baccalaureus, A. R. S. H. 1748, à sextâ ad meridiem.